

法言義疏

法言義疏

法言義疏序

同邑汪君褒父夙治聲音訓詁之學又工詞章今之孔龔
軒孫淵如汪容甫也篤嗜楊子法言嘗爲之疏證刊行已
二十載矣嗣病其未盡善重加改訂增益十之六七辛未
夏余再度東遊君任駐日公使在使館出視其藁才成三
卷余謂君可稱仕優則學者也君笑曰當今之世仕奚能
優將舍之而專事於學未幾挂冠歸寓舊京距余居十里
弱承不鄙棄每草就若干葉卽馳仵送余商榷月必數往
復偶有獻替泰半采錄迺者全書告竣屬弁一言爰爲之
序曰漢自文帝始置五經博士武帝大合天下之書又尉
律定學僮十七以上始試諷籀書九千字乃得爲史風聲

所樹涂徑斯開故楊子辭賦家而兼通經小學有清自康
乾間迭開博學宏詞科乾隆又開經學科又開四庫館文
治休明軼炎漢而上故君生晚近而猶得仰沐餘風是書
如吾子之虎別及紵絮問道之堯爵五百之載魄重黎之
無妄明其爲用京房易淵騫之俠介孝至之螭虎明其爲
用歐陽書學行之螟蠕及考甫吾子之夏屋修身之圃田
先知之東征及述職孝至之關雎明其爲用魯詩先知之
實予孝至之邵陵明其爲用公羊傳凡斯之屬參攷互證
塙然見師承之所在是乾嘉諸老遺法也學行之桐子爲
僮子吾子之愛身爲夔身狴

案說文
無狴

犴爲批扞枯澤爲涸

澤無擇爲無殫修身之糟苧爲糟苧粹茹爲啐茹問道之

礙諸爲凝諸問明之諄乎爲字乎儻舜爲嬪舜寡見之好
假爲好嘏沖天爲衝天五百之關百爲母百噫者爲意者
如單爲而殫先知之政核爲政覈重黎之時激爲時激擅
秦爲嬪秦勿乎爲習乎伎曲爲駢曲腊肉爲齏肉扼欵爲
扼歧淵騫之俠介爲夾介無悟爲無悟愀如爲欸如君子
之巫鼓爲誣鼓孝至之緼絮爲蘊絮五兩爲五兩蠹迪爲
蠹妯純續爲純繪自序之幽弘爲幽宏諸範爲諸範明乎
其爲正段吾子之確乎爲塙乎幘幘爲屏幘修身之犒師
爲犒師問道之眩眩爲谿谿問神之能喊爲能誠寡見之
樓航爲樓航五百之幹楨爲榦楨先知之作晒爲作炳不
鏗爲不鏗重黎之灞上爲霸上虎捩爲虎齟齬虎爲摩虎

淵騫之惕而爲惕而堙谷爲堙谷皓皓爲皓皓君子之倪也爲倪也惶乎爲皇乎明乎其爲正俗此類詳審上下文

義一準諸許書亦乾嘉諸老遺法也

說文爲許氏一家之書非欲以是爲天下

繩尺故今古文不盡兼錄又傳刻遺奪經典中如由希免
妥等字皆不載許引楊子說凡十二字蓋卽訓纂篇中文
而太玄法言方言中其字爲許所不錄者頗夥爲
俗字抑爲古文奇字惜無人專輯一書而攷證之其他辨

異文補舊注一字務求其來歷一義務取其旁通如修身之善惡混本世碩問道之亡愈本繁露重黎之三擅本史記淵騫之非夷本誠子書既得其依據又引美新聽聆以證五百聆聽引難蓋天八事及豫州箴以證重黎應難及屏營引太玄以證君子晬而及自恣使一家之說互明引張騫傳等以明問道之反自炫形爲反身幻形引說苑以

明重黎之自令之爲鮑白令之引子華子以明先知之不
抔引說苑墨子等以明重黎之井榦及葛溝使古書皆爲
我注腳實事求是隨在見漢學家師法同一衝衝而問明
爲往來無定五百爲思慮不決同一蠢迪而孝至爲動擾
自序爲作爲同一評淮南之出入而西京雜記所載爲賞
其文辭君子爲裁以義理李弘範標刺莽之辭今更考莽
傳以充其類秦敦夫覆治平之本今又據原刻以訂其譌
前者得其大通後者具見細緻楊書本以擬經今卽以治
經之法治之匪惟功臣抑亦知己也已宋人不明經小學
妄議其以艱深文淺易使得是書而讀之有不怡然理順
渙然冰釋者乎然安知其不於正段正俗之辨反目爲怪

異博引旁證之處反譏爲瑣碎乎太史公曰非好學深思
心知其意難爲淺見寡聞者道不幾有同慨乎漢書本傳
云太玄法言劉歆嘗觀之謂雄曰吾恐後人用覆醬瓿王
邑嚴尤謂桓譚曰雄書能傳於後世乎譚曰必傳余非君
山然決是書之必傳無疑論衡佚文篇云子雲作法言蜀
富人賣錢千萬願載於書子雲不聽今余名屢見書中方
自謂厚幸而蜀志秦宓傳云如李仲元不遭法言令名必
淪其無虎豹之文故也余非仲元則又將引以爲愧爾癸
酉閏五月吳縣胡玉縉識於舊京之鯁高時年七十有五
右序遞去袞父已病飭其三世兄慈明齎函謙謝並詢
梁四公記中事已非親筆猶憶前數年欲爲說文義疏

屬余開列應采書約三百餘種以購求費不貲而止時
丁氏詒林未出也今年四月余謂丁書雖陋可備翻閱
法言義疏畢盍從事說文則謂說文非十年不爲功將
撰韓書外傳疏證余謂陳瑒書無傳本陳士珂書太略
近人楊氏書未知何如君作必勝衮父亦頗自負孰意
是書甫成病竟不起余挽聯所以有楊幸韓不幸之語
也此衮父近十年之志向人或不知爰屬慈明附刊於
序後九月玉縉記

法言義疏後序

楊子以希聖之資遭五百之會所爲法言繼迹孟荀次於經傳徒以義訓奇佻文辭簡奧學者失其句讀迷其旨趣注家自李弘範右道左儒已非楊子之義至今朱元晦疑其全出黃老詆爲腐生不亦誣乎袁甫先生早治此書中歲爲之疏證已行於世年過五十隱處燕都復取李注本更加斟酌改題曰義疏以付上海書肆刊之倭寇之禍并槁本焚焉先生彊志絕人記誦無失自力疏錄歲餘復完謂所親曰此書竟成雖死無憾已旋即寢疾旬餘而卒用思困神信有之與楊子值漢道中微巨君泯夏以容默處當世以空文垂後來先生亦值海水羣飛九州麻亂雖名

奉使實等乘桴辰告遠猷曾無省錄譽滿天下無過以文
采見稱世但見晚歸好時迹同陸賈之優游豈知老託玄
亭心希楊子之寂寞哉然楊子之書歷千載而得先生爲
之疏釋皦然如晦之見明則先生之心後世亦必有知者
誠可無恨也侃以頑質弱冠獲交於先生之弟旭初久乃
以論韻承先生俯與商榷又以篇什獨蒙獎藉爲之延譽
往歲避兵北行數得請見曾以疏藁數卷委侃平定且命
爲序因循未成而先生沒諸子亟刊遺箸未久畢功旭初
令綴語篇終以踐宿諾侃媿非君山之知願執侯鋪之禮
撫斯青簡如接音徽泣然不知涕之何從也昭陽作噩秋
九月後學蘄春黃侃

法言義疏自序

光緒己亥庚子之際余官京師嘗以所爲法言疏證就正於鄉先生葉鞠裳太史太史以爲說楊氏書者未能或之先也宣統辛亥之夏印行於世疏證十三卷本是也久之版絕會舍弟叔初主講中央大學文學院授周秦諸子遂及法言思得余書爲馮藉書請再版乃復加校閱謬誤疎漏不可勝數初就原書有所增損已而毅然重作官事無閒或經歲而成一卷棄之篋衍久矣辛未之夏歸臥舊京乃得庚續舊稿積半年之力成書八九卷併舊稿陸續寄上海商務印書館排印聞北之變館毀於火余稿燬焉而德意志漢堡大學聞余有是作介北海圖書館來請分惠

不得已舉殘稿寫真數卷付之於是收拾放逸更定體例
嚴訂程課爲之不輟始余書惟疏正文不列舊注及後細
觀李祠部注雖時或右道左儒失子雲本指而古言古義
往往而在有不可廢者乃兼存李注並爲校釋迄癸酉閏
月成書二十卷名曰法言義疏昔溫公自序集注謂少好
此書研精竭慮厯年已多今老矣計智識所及無以復進
輒采諸家所長附以己意愚心所安未必皆是冀來者擇
焉余之淺陋何足以望溫公然於是書用力之多其甘苦
亦頗有與昔賢相似者世事日新學術變革居今而爲此
業將爲識者所笑顧此亦愚心所安庶來者之擇焉而已
癸酉閏五月吳汪榮寶

目錄

法言義疏一

學行卷第一

法言義疏二

學行卷第一

法言義疏三

吾子卷第二

法言義疏四

吾子卷第二

法言義疏五

修身卷第三

法言義疏六

問道卷第四

法言義疏七

問神卷第五

法言義疏八

問神卷第五

法言義疏九

問明卷第六

法言義疏十

寡見卷第七

法言義疏十一

五百卷第八

法言義疏十二

先知卷第九

法言義疏十三

重黎卷第十

法言義疏十四

重黎卷第十

法言義疏十五

重黎卷第十

法言義疏十六

淵騫卷第十一

法言義疏十七

淵騫卷第十一

法言義疏十八

君子卷第十二

法言義疏十九

孝至卷第十三

法言義疏二十

孝至卷第十三

法言序